

Philipino. I te pae hopea o te matahiti e haamaitaihia e aore rā, e haamaitai-faahou-hia te tahi atu mau hiero. E tamau noa tatou i te patu i te mau hiero na te ao atoa nei a tupu noa ai tatou i te rahiraa. Tē ravehia nei i te mau matahiti atoa e rave rahi milioni oro'a i roto i te mau hiero no te mau taata tei herehia e tatou. E mata na tatou i te haapa'o tamau noa i te raveraa i te reira mau oro'a no ratou o te ore e ti'a ia rave i te reira mau oro'a no ratou iho.

E rave rahi o outou tei ite e, i muri noa iho i te amuiraa no atopa ra, ua roohia to'u hoa here o Frances i te hoê ati, inaha, ua topa oia e ua fati to'na aoao e to'na tapono. Ua manuia maitai te tapuraa a te taote e i muri a'e e rave rahi hepetoma i te fare ma'i, ua ti'a ia'na ia ho'i faahou mai i te fare. Mea maitai roa oia, e te haere noa ra oia i te maitai-roa-raa. Ua ti'a ia'na ia haere i te pureraa rahi a te Feia Apî Tamahine i te mahana maa i ma'iri a'e nei, e te opua nei oia e haere mai i roto i te hoê e aore rā, e piti tuhaa pureraa i teie hopea hepetoma. Tera rā, i te pae hopea roa nei ua parau oia e, « E haere au i teie mahana ! » E tei ô nei oia ! Te apiti mai nei oia ia'u no te faaite atu ia outou i to maua mauruuru hohonu i to tatou Metua i te Ao ra e ia outou atoa no ta outou mau pure e ta outou mau tapao aroha ia'na.

I teie nei, e te mau taea'e e te mau tuahine, ua haere mai tatou i ô nei ia haapihia tatou e ia faauruhia. Tē farii popou nei matou ia outou te mau taata apî i roto i te Ekalesia. Tē tahi pae o outou te tautuhia nei i roto i te mau fifi, te mau tauraa, te mau ino'inoraa, e te ereraa. Ua here matou ia outou e te pure nei matou no outou. E rave rahi parau poro'i, no ni'a i te mau tumu parau rau o te evanelia, o te vauvauhia'tu i roto i teie na mahana e piti i muri ei. Teie mau tane e mau vahine o te paraparau atu ia outou, ua titau ratou i te tauturu a to te ra'i no ni'a i te parau poro'i ta ratou e horo'a'tu.

Tē pure nei au ia i tatou i Tō'na Varua a faaroo ai tatou e a apo ai tatou. Tē pure nei au ia tupu mau ho'i te reira, na roto i te i'oa o Iesu Mesia, to tatou Fatu e to tatou Faaora, amene. ■



Na te Peresideni Boyd K. Packer

Peresideni no te Pūpū no te Tino Ahuru Ma Piti Aposetolo

Te puai o te autahu'araa

Aita e roaa i te autahu'araa te mana e titaubhia ia'na ia roaa, e eita e roaa ia'na te reira e tae roa'tu ua mau roa te puai o te autahu'araa i roto i te utuafare.

Te paraparau atu nei au i te mau metua tane o te mau utuafare e i te mau utuafare i te mau vahi atoa i roto i te Ekalesia nei.

E rave rahi matahiti i ma'iri a'e nei ua haamata matou i te faanahoraa faaauraa i raro a'e i te faaterereraa te peresideni Harold B. Lee. I taua taimera, ua parau a'e ra te peresideni Thomas S. Monson e : « I teie mahana, te ti'a nei tatou i mua i te faito rahi a'e o te hara, te peu viivii, e te ino aita i amuihia a'e nei i mua i to tatou mata... E ere na tatou te faanahoraa o te aroraa ta tatou e aro nei no te faaora i te varua o te taata nei. Ua (horo'ahia mai rā) te reira na roto i te faaururaa e te heheuraa a te Fatu ».¹

I roto i taua mau matahiti faaauraa ra, ua tau i te faanahonahoraa taatoa a te Ekalesia. Ua faanaho-faahou-hia te mau buka haapiiraa. Ua faanaho-faahou-hia te mau opuaraa e te mau autaaitiraa o te mau pūpū i te tahi e te tahi. Tē parau tumu rahi i roto i taua mau matahiti o te faaauraa ra e te faanaho-faahou-raa, o te *autahu'araa* ia.

Ua paraparau atoa te peresideni Monson i te parau no Gideon, e aito no te Faufaa Tahito. Ua ma'itihia o

Gideon na te faatere i te mau nuu tama'i o Iseraela, e rave rahi tauatini taata. Tera rā, i roto i tera rahiraa, ua rave noa oia e 300 taata.

E mea taa ê roa ta Gideon rave'a no te ma'iti i ta'na mau faehau. Ia haere te mau taata e inu i te pape i te anavai, e « tuu [te rahiraa o ratou] i na turi i raro... a inu ai i te pape ». Aita oia i rave i te reira mau taata. Tē tahi pae, e tuturi ratou i raro a taipu ai i te pape i roto i to ratou rima e a inu ai, ma te vai ineine noa. O ratou tei ma'itihia.²

Tē ora nei tatou i te hoê anotau o te « tama'i (e) te parau no te tama'i, e te aueue fenua i te mau vahi e rave rahi ».³ Mai tei tohuhia ra, « e arepurepu roa te ao paatoa nei »,⁴ e « ua haere noa Satani na te fenua nei ».⁵ Tē imi nei oia ia haamou i te mau mea maitai e te parau ti'a atoa.⁶ O Lucifer oia o tei hurihia i rapae i te aro o te Atua.⁷ I mua i taua mau mea atoa ra, te vai nei te mana'o maitai i roto ia tatou no ni'a i te mau mea e vai ra i muri nei.

Ua manuia te nuu a Gideon na te mea, mai tei papa'ihia ra, « ua ti'a noa ihora ratou atoa ra, i to'na vahi ».⁸

Ua matara teie « tau tuuraa no te îraa o te mau tau atoa »⁹ na roto i te

fâraa mai te Metua e te Tāmaiti i te tamaiti ra ia Iosepha Semita.¹⁰ I muri iho, ua faaite mai te melahi Moroni ia Iosepha i te vahi i hunahia ai te mau api tei roto i reira te Buka a Moromona.¹¹ Ua horo‘ahia ia Iosepha te mana no te iriti i te reira.¹²

I te taimē o te iritiraa, ua tai‘o o Iosepha raua o Olive Kaudere i te parau no te baptizoraa. Ua pure raua ia ite e, nahea rā.¹³ I reira, ua fā maira te hoē ve‘a melahi i mua ia raua, o Ioane Bapetizo. Ua horo‘a maira oia ia raua i te Autahu‘araa a Aaronā « o tei mau i te mau taviri no te utuuturaa o te mau melahi, e i te evanelia no te tatarahapa, e no te baptizoraa na roto i te utuhiraa no te haamatararaa i te hara ».¹⁴

I muri iho ua fā mai te aposetolo Petero, Iakobo e Ioane, ratou tei fatata roa i te Fatu i roto i Tā‘na ra ohipa, e ua horo‘a maira ia Iosepha e ia Olive te autahu‘araa teitei a‘e,¹⁵ e aore rā, « te Autahu‘araa Mo‘a, mai te au i te Haapa‘oraa a te Tāmaiti o te Atua ».¹⁶ Te autahu‘araa, mai ta te mau papa‘iraa mo‘a e faaite ra, ua parauhia ia i te i‘oa o Melehizedeka, te tahu‘a teitei maitai, ia‘na ra ho‘i Aberahama i aufuai i te tuhaa ahuru.¹⁷

Riro mai nei te reira ei mana no ratou. Na roto i te mau taviri o te autahu‘araa e roaa te mau puai o te ra‘i ia ratou. Ua faauehia a‘e ra ia ratou ia hopoi i te evanelia i te mau fenua atoa.¹⁸

E ere i te mea ohie ia ora i te evanelia a Iesu Mesia. Aita i ohie i te tau a ora ai Oia, e aita i ohie i te mau mahana matamua o te Ekalesia. Ua faaruru te feia mo‘a i tahito ra i te mau mauui e te pato‘iraa faito ore.

Ua hau i te 180 matahiti i teie nei te faaho‘i-raa-hia mai te autahu‘araa. Te fatata nei tatou i te 14 milioni melo i teie nei. Noa‘tu i te reira, e faito ha‘iha‘i roa ā to tatou ia faauehia i te rahiraa miria taata i ni‘a i te fenua nei. Tera rā, teie tatou, ua ite tatou i te mea ta tatou i ite, e e mea ti‘a ia tatou ia haere i mua e ia poro i te evanelia.

Ua faaite papū te Buka a Moromona e, eita roa‘tu tatou e upooti‘a i roto i te numera. Tera rā, tei ia tatou nei te puai o te autahu‘araa.¹⁹

Ua papa‘i te peropheta Nephi e :
« Ua ite ho‘i au i te ekalesia a te Arenio



a te Atua ra, e ua iti ho‘i te reira ia tai‘o... Area, ua ite au i te ekalesia a te Arenio, oia ho‘i te feia mo‘a o te Atua, i ni‘a atoa ratou i te ao atoa nei ; e ua iti ā to ratou mana i ni‘a i te fenua nei ».²⁰

Ua parau te peresideni Joseph Fielding Smith e : « Te parauhia ra paha e... aore rea rii tatou ia faauehia i... te ao nei, area rā, e nehenehe tatou e faauehia i te hopue ta te Faaora i paraura, o te faahopue [e aore rā, haamaraa] i te ao taatoa nei ».²¹

E nehenehe ta tatou, e ia tae ho‘i i te tau mau ra, e faauru i to te ao atoa nei. E itehia e, o vai tatou e no te aha tatou. E riro paha e, aita e tia‘iraa ; e mea teimaha mau; tera rā, e ere noa e, e ti‘a paha, tera rā, e mea papū roa e, e roaa te rē ia tatou i roto i te aroraa ia Satane.

Tāu matahiti i ma‘iri a‘e nei, ua horo‘a vau i te hoē a‘oraa i parauhia « eaha te mea e ti‘a i te Peresibutero tata‘itahi ia ite : Hoē buka iti no ni‘a i te mau ture o te Faatereraa Autahu‘araa ». I muri a‘e, ia tae i te taimē e nene‘ihia ai, ua tau i te upoo parau : « Eaha te mea e ti‘a i te Peresibutero tata‘itahi ia Ite – e te mau tuahine tata‘itahi atoa ».²²

Ua amui atoa mai au i te mau tuahine no te mea, e mea faufaa rahi no te taata tata‘itahi ia ite i te mea e titauhia i te mau taea‘e. Mai te mea e, aita tatou e faafariu mai i te mau metua vahine, te mau tamahine e te mau tuahine, e

mana ho‘i to ratou i ni‘a i ta ratou tane, to ratou metua tane, te mau tamaroa e te mau taea‘e, eita ia tatou e haere i mua. E ere te autahu‘araa i te hoē puai rahi mai te mea e, eita te mau tuahine e tau‘ahia.

Te autahu‘araa o te mana ia e te puai ta te Atua i horo‘a mai i te mau tane i ni‘a i te fenua nei ia rave i te ohipa ei ti‘a No‘na.²³ Mai te mea e, e faaohipati‘a-hia te mana autahu‘araa, e rave ia te mau taea‘e o te autahu‘araa i te mea e ti‘a ia‘na ia rave ahiri e, tei ō nei Oia.

Ua tano maitai ta tatou horo‘araa i te *mana* o te autahu‘araa. Fatata tei te mau vahi atoa te haamau-raa-hia te mana autahu‘araa. Te vai nei ta tatou mau pūpū peresibutero e te tahu‘a rahi na te ao atoa nei. Tera rā, ua haere roa i mua, ia‘u i mana‘o, te horo‘araa i te *mana* o te autahu‘araa, ua hau roa i mua i te horo‘araa i te *puai* o te autahu‘araa. Aita e vai ra i roto i te autahu‘araa te puai i titauhia ia‘na ia roaa, e eita te reira e roaa e tae roa‘tu i te taimē e mau papū ai te *puai* o te autahu‘araa i roto i te mau utuafare mai tei titauhia.

Ua parau te peresideni Harold B. Lee e : « No‘u nei, e mea papū maitai e, aita to te Ekalesia e mana no te *ma‘iti* – aita roa‘tu – maori rā, ia tauturu rahi i te *utuafare* ia rave i ta‘na misioni hanahana, eiaha no te mea noa e, o te reira iho ā te faanahoraa o te ra‘i, no te mea atoa rā ho‘i e, o te reira te *horo‘a*

maitai roa a'e ta tatou e nehenehe e horo'a i to tatou feia apî – tauturu ia haamaitai i te huru o te oraraa i roto i te mau nohoraa o te feia mo'a i te mau mahana hopea nei. Noa'tu te faufaa rahi o ta tatou mau faanahonahoraa e te mau tautooraa a te mau pūpū, *eia-ba* te reira ia na ni'a a'e i te utuafare ; e *paturu râ* te reira i te utuafare ». ²⁴

Ua faahiti te peresideni Joseph F. Smith i teie parau no ni'a i te autahu'araa i roto i te utuafare : « I roto i te utuafare ua faautahia te mana faatere i ni'a iho i te metua tane, e i roto i te mau ohipa atoa o te utuafare, aita e mana rahi ê atu. Ei faahoho'araa i teie parau tumu, penei a'e e rava'i noa i te tahi fifi iti. I te tahi taime te piihia nei te mau peresibutero ia haere e haamaitai i te mau melo o te hoê utuafare. I roto i teie mau peresibutero te vai ra paha te peresideni tîti, te aposetolo, e aore râ, te hoê melo no te Peresideniraa Matamua o te Ekalesia. I roto i teie huru, e ere i te mea ti'a i te metua tane ia ti'a i muri e ia tia'i e, na te mau peresibutero e arata'i te faatereraa o teie oro'a faufaa roa. Tei reira te metua tane. No'na te ti'araa e na'na e faatere. E ma'iti oia i te taata na'na e faatahinu, e te taata na'na e pure, e eiaha roa oia e feruri e, tei reira atoa te mau mana faatere i roto i te Ekalesia ra, ua tatarahia to'na mau ti'araa no te arata'i i te rave-raa o taua haamaitairaa ra o te evanelia i roto i to'na utuafare. (Mai te mea e, te ma'iri ra te metua tane, e ti'a i te metua vahine ia ani i te mana faatere haapa'o ia tae mai) Na te metua tane e faatere i ni'a i te amuraa maa, i roto i te pureraa, e ia horo'a i te tahi mau arata'iraa rarahi no ni'a i te oraraa o to'na utuafare noa'tu te huru o te taata i reira ». ²⁵

I te anotau tama'i i Vietnam, ua faatupu matou e rave rahi mau pureraa taa ê no te mau melo o te Ekalesia tei piihia i roto i te nuu. I muri a'e i te reira huru pureraa i Chicago, te ti'a noa ra vau i piha'i iho i te peresideni Harold B. Lee i haere mai ai te hoê tamaiti nehenehe, e feia mo'a no te mau mahana hopea nei, e ua parau atu ra i te peresideni Lee ia horo'a mai i te hoê haamaitairaa no'na.

I to'u maere rahi, na ô atu ra te peresideni Lee e, « e mea ti'a e na to oe

metua tane e horo'a i te reira haamaitairaa no oe ».

Ma te inoino rahi, na ô mai nei taua tamaiti ra e, « aita to'u metua tane i ite e nahea ia horo'a i te hoê haamaitairaa ».

Ua pahono atu ra te peresideni Lee e, « a ho'i i te fare, e ta'u tamaiti, e a parau i to oe metua tane e, te haere nei oe i te tama'i, e te hinaaro nei oe ia farii i te hoê haamaitairaa metua na roto mai ia'na. Mai te mea e, aita oia i ite e nahea, a parau ia'na e, e parahi oe i ni'a i te hoê parahiraa. E nehenehe ta'na e ti'a i muri ia oe e ia tuu i to'na rima i ni'a i to oe upoo e ia parau i te parau e tupu mai i roto i te feruriraa ».

Ua ho'i teie faehau taure'are'a ma te oto.

E piti paha matahiti i muri mai, ua farerei faahou vau ia'na. Aita vau e haamana'o nei e ihea râ. Ua faahamana'o maira oia ia'u i taua iteraa ra e na ô maira e, « ua rave au mai tei fauehia ia'u ia rave. Ua faataa vau i to'u papa e, e parahi au i ni'a i te parahiraa e e tuu oia i to'na na rima i ni'a i to'u upoo. Ua î maua toopiti i te puai o te autahu'araa. Ua riro mau taua ohipa ra ei puai e ei paruru i roto i taua mau ava'e tama'i ra ».

I te tahi atu taime tei roto vau i te hoê oire atea roa. I muri a'e i te amuiraa, te faatoro'a ra e te faataa ra matou i te feia faatere. Ia oti a'e ra, ua ani a'e ra te peresideni tîti e ; « e nehenehe anei ta tatou e faatoro'a i te hoê taure'are'a ei peresibutero o te reva nei no te haere i te misioni ? » Te pahonora, e na reira.

A haere mai ai te reira tamaiti i mua,



ua tarape atu ra oia i na taea'e e toru ia apee mai ia'na e ia ti'a no to'na faatoro'araa.

Ua ite atu ra vau i ni'a i te parahiraa i muri roa i te hoê taata tei hoho'a roa i teie tamaiti, e ua ani atu ra vau e, « te-ra anei to oe metua tane ? »

Parau mai ra te tamaiti e, « e ».

Na ô atu ra vau e, « na to oe metua tane e faatoro'a ia oe ».

E ua pato'i maira oia, « ua ani a'e na vau i te tahi atu taea'e ia faatoro'a ia'u ».

E ua parau atu ra vau e, « e taure'are'a, na to oe metua tane e faatoro'a ia oe, e ora oe no te haamaitai i te Fatu no teie mahana ».

Haere mai nei te metua tane i mua.

Mauruuru pai, i te mea e, e peresibutero oia. Aihiri e aita, eita e maoro roa e riro mai oia ! I roto i te nuu faehau, e parau ratou i te reira e, e nuuraa toro'a. I te tahi taime te tupu nei te reira huru ohipa i roto i te Ekalesia.

Aita te metua tane i ite e nahea ia faatoro'a i ta'na tamaiti. Ua tauahi atu ra vau ia'na e ua haapii atu ra ia'na na roto i te oro'a. Ia hope a'e ra te reira, e peresibutero taua tamaiti ra i teie nei. Ua tupu ihora te hoê mea nehenehe roa. Ua taui roa te ohipa, inaha, ua apa te metua tane e te tamaiti.

Ma te ta'i, parau atu ra te metua tane e, « aita i ti'a ia'u ia faatoro'a i te tahi atu na tamaiti ta'u ».

A feruri na i te rahi atu â o te mea e faatohia ahani e, na te tahi taata i faatoro'a ia'na, oia ho'i, te hoê aposetolo.

I te mea ho'i e, tei te ao atoa nei te autahu'araa i teie mahana, te ti'aoro nei matou i te mau peresibutero e te mau tahu'a rahi atoa, te mau taea'e atoa o te autahu'araa, ia ti'a i ni'a, *i to'na ibo ra vabi*, mai te nuu e 300 a Gideona, e nuu iti na'ina'i, e nuu puai râ. E mea ti'a ia tatou ia faaara i teie nei, i te puai o te autahu'araa o te Manahope, i roto i te mau peresibutero e te mau tahu'a rahi atoa, i roto i te mau pūpū autahu'araa, e i roto i te metua tane o te mau utuafare atoa.

Ua parau ho'i te Fatu e, « e haere mai te mau mea paruparu o te ao nei e e haaparari i te mau taata aravihi e te puai ». ²⁶

Ua parau atoa te peropheta Nephi i te parau no « te mana o te Arenio a te



Atua i te pouraa mai i ni'a iho i te feia mo'a o te ekalesia a te Arenio ra, e i ni'a iho ho'i i te feia i ma'itihia e te Fatu ra, o tei purara i te mau fenua o te ao atoa nei » e ua parau oia e, « o te parau-ti'a e te mana o te Atua i te hana-hana rahi ra, o ta ratou ia mauhaa ». ²⁷

Te hinaaro nei matou i te mau taata tata'itahi. Tei rohirohi e aore râ, tei paruparu e aore râ, tei faatau ra, e tae noa'itu i te feia tei roto i te hara, e mea ti'a ia ratou ia faati'amâhia na roto i te tatarahapa e te faaoreraa hara. Ua rahi roa o to tatou mau taea'e o te autahu'araa o te ora nei i raro iho i to ratou mau haamaitairaa e i te mau mea ta te Fatu e tia'i ra ia ratou ia rave.

E mea ti'a ia tatou ia haere i mua, ma te ti'aturi i te puai hanahana o te autahu'araa. Ua riro te iteraa e o vai tatou, eaha te mea e mauhia nei e tatou, e eaha te mea e ti'a ia tatou ia rave i roto i te ohipa a te Manahope, ei haapuairaa e ei faaitoitioraa ia tatou.

Ua parau ho'i te Faaora e, « ua ruuruuhia vau, o te Fatu, ia rave outou i te mea ta'u i parau ra ; ia ore râ outou ia rave i ta'u i parau ra, e ore ia ta outou e fafauraa i reira ». ²⁸

Te mau utuafare aita e autahu'araa to roto, e mea ti'a ia ia tia'ihia e ia utu-utuhia e te mau pûpû o te autahu'araa. Na roto i te reira, aore ia te hoê utuafare i roto i te Ekalesia e ere i te mau haamaitairaa.

Tau matahiti i ma'iri a'e nei, ua putuputu te hoê utuafare i piha'i iho i te ro'i o te hoê vahine iti ruau roa no Danemaka. I rotopu ia ratou, ta'na ia

tamaiti huru paari haapa'o ore. Ua ora oia i te fare i te tahi tau matahiti noa.

Ua taparu oia na roto i te ta'i, « mama, e mea ti'a ia oe ia ora. Mama, eita e ti'a ia oe ia pohe ». Ua parau oia e, « eita e ti'a ia oe ia haere. Eita vau e vaiiho ia oe ia haere ».

Ua hi'o maira te mama iti i ni'a i ta'na tamaiti, e i roto i ta'na tomaraa parau Danemaka, na ô a'e ra e, « But ver is yo powah ? » – teihea ho'i to oe puai ?

Ua parau o Paulo e :

« I patuhia [tatou] i ni'a iho i te niu a te mau aposetolo e te mau perophe-ta ra, e o Iesu Mesia iho te tahi rahi ;

« No'na te fare atoa i te ati-maitairaa ia'na ra, i riro ai ei hiero mo'a no te Fatu ra :

« E ua patu-atoa-hia outou e ana ia riro ei parahiraa no te Atua i te Varua ra ». ²⁹

Ia upooti'a te ohipa a te Fatu, e ere te reira i te fifi. Ia amui tahi tatou i ta tatou mau tautooraa atoa e ia tahoê tatou, te reira ia te fifi.

Tei tatou nei te autahu'araa. I muri a'e i te mau mea atoa ta tatou i faaau e i faanahonaho, ta tatou hopoi'a i teie nei, o te faaohiparaa ia i te *puai* o te autahu'araa i roto i te Ekalesia. E tae mai te *mana* i roto i te autahu'araa na roto i te faatoro'araa ; e tae mai te *puai* i roto i te autahu'araa na roto i te faaturaraa ma te faaroo e te haapa'o i te mau fafauraa. E faarahihia te reira na roto i te faaraveraa e te faaohiparaa i te autahu'araa ma te parau-ti'a.

E tena na, e te mau metua tane e, e

faahaamana'o atu vau ia outou i te huru mo'a o to outou piiraa. Tei ia outou na te puai o te autahu'araa no ô mai i te Fatu ra, no te paruru i to outou utuafare. Te vai ra te taima e riro ai te reira puai ei paruru hoê roa i rotopu i to outou utuafare e te mau faahemaraa a te enemi. E farii outou i te arata'iraa mai ô mai i te Fatu ra na roto i te Varua Maitai.

Aita te enemi e faaapiapi puai nei i ta tatou mau pureraa – i te tahi noa pa-ha mau taima rii. Aita hoê fifi no tatou no te haaputuputu mai ta tatou e hinaaro ma te haape'ape'a-ore-rii-hia. Tera râ, o'na e te mau taata tei pee ia'na, te aro tamau nei ratou i te utuafare.

Te fa tumu o te mau ohipa atoa i roto i te Ekalesia nei maori râ, ia oaoa te hoê tane e ta'na vahine e ta raua mau tamarii i roto i te utuafare, ma te paruru-hia e te mau parau tumu e te mau ture o te evanelia, e ma te taati-papû-hia i roto i te mau fafauraa o te autahu'araa mure ore.

Te mau ture e te mau parau tumu e te mau puai atoa, te mau ti'aturiraa atoa, te mau oro'a e te mau faatoro'araa atoa, te mau fafauraa atoa, te mau a'oraa atoa e te mau oro'a mo'a atoa, te mau a'o e te mau faatiti'aifaroraa atoa, te mau taatiraa, te mau piiraa, te mau haamauruururaa, te taviniraa – te tumu hopea roa o teie mau mea atoa o te haamaitairaa ia i te taata hoê e i te utuafare, no te mea i parau ho'i te Fatu e, « teie ho'i ta'u ohipa e to'u hana-hana – te faatupuraa i te tahuti ore e te ora mure ore o te taata nei ». ³⁰

Te faaite papû nei au i te puai o te

autahu'araa tei horo'ahia i te Ekalesia no te paruru ia tatou e no te arata'i ia tatou. E no te mea ho'i e tei ia tatou nei te reira, aita ia tatou e mata'u i te parau no te ananahi. Ua riro te mata'u ei enemi no te faaroo. E haere tatou i mua ma te ite papû e e tia'i te Fatu ia tatou i roto iho â ra i te utuafare. Tè faaite papû nei au ia'na na roto i te i'oa o Iesu Mesia ra amene ■

TE MAU NOTA

1. Thomas S. Monson, « Correlation Brings Blessings », *ve'a na te Sotaiete Tauturu*, Eperera 1967, 247.
2. Hi'o Te mau Tavana 7:4-8.
3. Moromona 8:30 ; a hi'o atoa Te Parau Haapiiraa e te Mau Parau Fafau 45:26 ; Iosepha Semita—Mataio 1:23, 28.
4. Te Parau Haapiiraa e te Mau Parau Fafau 45:26 ; a hi'o atoa Te Parau Haapiiraa e te mau Parau Fafau 88:91.
5. Te Parau Haapiiraa e te Mau Parau Fafau 52:14.
6. Hi'o Te Parau Haapiiraa e te Mau Parau Fafau 10:22-23.
7. Hi'o Apokalupo 12:7-9 ; Te Parau Haapiiraa e te Mau Parau Fafau 29:36-37 ; 76:25-26.
8. Te mau Tavana 7:21.
9. Te Parau Haapiiraa e te Mau Parau Fafau 112:30.
10. Hi'o Iosepha Semita—Aamu 1:17.
11. Hi'o Iosepha Semita—Aamu 1:33-34, 59.
12. Hi'o te api matamua o te Buka a Moromona ; Te Parau Haapiiraa e te Mau Parau Fafau 135:3.
13. Hi'o Iosepha Semita—Aamu 1:68-69.
14. Te Parau Haapiiraa e te Mau Parau Fafau 13:1.
15. Hi'o Te Parau Haapiiraa e te Mau Parau Fafau 27:12-13.
16. Te Parau Haapiiraa e te Mau Parau Fafau 107:3.
17. Hi'o Te Parau Haapiiraa e te Mau Parau Fafau 107:2-4 ; hi'o atoa Hebera 7:1-4 ; Alama 13:15.
18. Hi'o Te Parau Haapiiraa e te Mau Parau Fafau 42:58.
19. Hi'o 1 Nephi 14:14.
20. 1 Nephi 14:12.
21. Joseph Fielding Smith, i roto i te Conference Report, Atopa 1968, 123.
22. Hi'o Boyd K. Packer, « Eaha te ti'a i te Peresibutero Tata'itahi ia Ite—e te Tuahine Tata'itahi : Hoê buka iti no ni'a i te mau ture o te Faatereraa Autahu'araa », *Tambuli*, Novema 1994, 15-24.
23. Hi'o *Te mau Haapiiraa a te mau Peresideni o te Ekalesia : Joseph F. Smith*, (1998), 141 ; Iritiraa a Iosepha Semita, Genese 14:28-31, i roto i te faahorora Bibilia.
24. Harold B. Lee, « Preparing Our Youth », *Ensign*, Mati 1971, 3 ; faahauhia te faatomaraa.
25. Joseph F. Smith, *Gospel Doctrine*, nene'iraa 5. (1939), 287.
26. Te Parau Haapiiraa e te Mau Parau Fafau 1:19.
27. 1 Nephi 14:14.
28. Te Parau Haapiiraa e te Mau Parau Fafau 82:10.
29. Ephesia 2:20-22.
30. Mose 1:39.



Na Julie B. Beck

Peresideni Rahi no te Sotaiete Tauturu

« E ninii atu vau i To'u Varua i ni'a i Ta'u mau tavini vahine i taua anotau ra »

Ua ite tatou e e manuïa tatou mai te mea e ora tatou ia noaa e ia farii e ia ite tatou e nahea i te pee i te Varua.

I te matahiti i mairi a'e nei, ua fare-rei au e rave rahi tauatini mau vahine feia mo'a i te mau mahana hopea nei i roto i te fenua e rave rahi. E mea roa roa e te teiaha te tabula no te mau tamataraa ta teie nei mau tuahine e faaruru ra. Tè vai ra te mau pe'ape'a utuafare, te mau tamataraa i te pae tereraa faufaa, te mau ati fenua, te mau ati, e te mau ma'i. Ua rahi te mau mea e faahahi te mana'o aita râ i nava'i te hau e te oaoa. Noa'tu te mau poro'i faatianiraa a te mau ve'a no te faahapa i te reira, aore roa e taata moni, e taata nehenehe, aore râ e taata maramarama e nehenehe e ape i te mau fifi no te oraraa tahuti nei.

Tè mau uiraa ta te mau tuahine e ui e mea hohonu e te maramarama ia. Tè faaite nei ratou i te papû ore no ni'a i te oraraa no ananahi, te oto no te mau fâ tei ore i faatupuhia, te tahi papû ore i roto i te mau faaotiraa, e te mana'o faufaa ore o to ratou oraraa. Tè faaite atoa mai nei ratou i te hoê hinaaro ia rave i te mea ti'a.

Ua tupu i roto ia'u te hoê iteraa puai no te faufaa o te mau tamahine a te Atua. E rave rahi te mau mea e turu'i nei i ni'a iho ia ratou. I roto i ta'u mau fareireira i te mau tuahine, ua ite au i te hoê hinaarora rahi ia rahi te faaroo e te parau-ti'a o te tuahine tata'itahi. Ua rahi te hinaaro i te mau utuafare puai. E rave rahi â te mau mea e ti'a ia ravehia no te tauturu ia vetahi ê tei roto i te ati. Nahea te hoê tuahine e faarahi ai i te faaroo, e haapuai ai i te mau utuafare, e horo'a ai i te tauturu ?¹ Nahea te hoê vahine i to tatou nei anotau e ite ai i te mau pahonora a ta'na iho mau uiuiraa e ia vai puai noa ma te aueue ore no te aro atu i te pato'iraa e te fifi u'ana e te maere ?

Te heheuraa o te taata iho

Ua ite te hoê vahine maitai e aita e nava'i to'na taime, to'na puai, aore râ ta'na rave'a no te haapa'o i te mau taata atoa aore râ ia rave i te mau mea maitai atoa ta to'na aau e hinaaro i te rave. No te rahiraa o te mau vahine, e